



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Qvintum

**González Téllez, Emanuel
Francofurti Ad Moenum, 1690**

Capvt XIII. Idem Archiepiscopo a Senno. & Episcopo Parisiensi.

[urn:nbn:de:hbz:466:1-74544](#)

C A P V T XIII.

Idem Archiepiscopo^a Senno. & Episcopo Parisiensi.

ET si Iudeos, quos propria culpa submisit^b perpetua servituti, cum Dominum crucifixerunt, quem sui Prophetæ ad redemptionem Israël prædixerunt in carne venturum, pietas Christiana receptet, & sustineat cohabitationem illorum, quos etiam propter illorum perfidiam Sarraceni, qui fidem Catholicam persequuntur, nec credunt in crucifixum ab illis, sustinere non possunt, sed potius a suis finibus expulerunt, in nos vehementius proclamantes, eo quod sustineantur a nobis, qui ab ipso crucis patibulo condamnant redemptorem nostrum: ingratit tamen nobis esse non debent, ut redderent Christianis pro gratia contumeliam, & de familiaritate contemptum; qui tanquam misericorditer in nostram familiaritatem admissi, nobis illam retributionem impendunt, quam juxta vulgare, Mus in pera, serpens in gremio, & ignis in sinu, suis confusuerunt hospitibus exhibere. Accepimus autem, quod Iudei, quos gratia Principum in suis terris admisit, fecit adeo insolentes, ut illos committant excessus in contumeliam fidei Christianæ, quos non tantum dicere, sed etiam nefandum est cogitare. Faciunt enim Christianas filiorum nutrices, & cum in die resurrectionis Dominicæ illas recipere corpus & sanguinem Iesu Christi contingit, per triduum antequam eos lactent, lac effundere faciunt in latrinam: alia insuper contra fidem catholicam detestabilia, & inaudita committunt, propter quæ fidelibus est verendum, ne divinam indignationem incurant, cum eos perpetrare patiuntur indignè, quæ fidei nostræ confusionem induunt. Rogamus igitur charissimum in Christo filium nostrum Ph. Regem Francorum illustrem; mandavimus etiam nobili viro Duci Burgundiaæ, & Comitissæ Trecent. ut tales reprimant Iudeorum excessus, ne cervicem perpetua servitutis jugo submissam præsumant erigere contra reverentiam fidei Christianæ: inhibentes districtiūs, ne de cætero nutrices, vel servientes habeant Christianos, ne filii liberæ filiis famulentur ancillæ; sed tanquam servi a Domino reprobati, incujus mortem nequierit conjurarunt, se faltem per effectum operis recognoscant servos illorum, quos Christimors liberos, & illos servos effecit; quia cum jam cœperint rodere more muris, & pungere sicut serpens, verendum est, ne ignis receptatus in sinu, corroso consumat. Quocirca f. v. per A. f. m. quat. prædictum Regem, & alios ad hoc ex parte nostra ita diligenter monere, ac efficaciter inducere procureatis, quod Iudei de cætero nullatenus insolescant, sed sub timore servili prætendant semper verecundiam culpæ suæ, & revereantur honorem fidei Christianæ. Si vero Iudei nutrices, & servientes non dimiserunt Christianos, vos auctoritate nostra suffulti, sub excommunicationis poena inhibeatis districte omnibus Christianis necum eis commercium aliquod audeant exercere.

N O T A E.

^a **S**enonensi.) Ita etiam legitur in cap. unic. hoc tit. in 3. collect. ex qua textum hunc refutio. De Senonensi diceces egi in cap. 6. de constitutionibus.

^b **P**erpetua servituti.) Nam cum grande peccatum admisissent, gravem patiuntur penam, & amissa pristinæ dignitatem, servi Gentium facti fuerunt. Cur autem Judæi tolerentur inter Christianos, varias rationes adducunt Sancti Patres, præcipue eam, ut testes sint sue iniquitatis, & nostræ veritatis, ac ut ita afficiantur ad suscipiendam fidem Catholicam, ut expressit D.

August. ad psalmum 56. sermon. 77. ibi: Per omnes gentes dispersi sunt Iudei testes iniquitatis sua, & veritatis nostre. Ipsi habent Codices, de quibus prophetatus est Christus, & nos tenemus Christum. Et si quando forte aliquis paganus dubitaverit, cum ei diccerimus prophetias de Christo, de codicibus Iudeorum probamus. Librarij denique nostri facti sunt quomodo solent servi post dominos codices ferre. Et lib. de vera relig. cap. 6. Ecclesia Catholicæ uitetur gentibus ad materiam operationis sua, hereticis ad probationem doctrina sua, schismaticis ad documentum stabilitatis sua, Iudeis ad comparationem pulchritudinis sua.

c Nutrices.) Juxta tradita supra in cap. ad hec.

CAPVT